

醫
道
統
二
脈
全
書



醫

統

三

脈

金

書



笑文孟冬中
醫學社重訂

醫統正脈續刊記

醫統正脈一書爲明王肯堂氏所彙輯誠醫籍大觀也
原版藏於浙是書之流行於世者甚少醫者每引爲憾
焉清光緒之季景帝出內帑設施醫局命太傅陸鳳石

公諱
潤庠

爲管理大臣陸公乃選聘醫員廣搜醫典得是書

之版而藏於醫局惟原版殘缺至數十頁遂重付手民

補爲完畢印書百十部行於世醫者爭先覩焉民國改

建醫局停辦公以醫局之設款出皇家卽將原版繳存

於內務府民國十二稔中醫學社成立

發起是社者
多清太醫

總

幹事吳煥臣君印廷耀留心古籍因曾充施醫局醫官訪

知版之所在遂白於社將謀重印以公諸世適全順其

銘主席斯社以吳君之意饗我醫界間接更造福於人

生洵屬益舉當據以請於管理太醫院事務張公字午樵印

仲佟公字質夫院使趙公字友琴院判鄭字慎之范字壽

臣印一梅兩公之數公者皆見義勇為慨允代為向內務府

大臣紹公越千者公壽民陳請不數日得當道許可遂

將版移轉於本社惟版存十餘載風日摧殘磨滅朽裂

者不少當由本社集資重行修補始得以有今日之續

印然則是書也。叛於王而繼於陸，今則得多方援助之，力俾本社竟續行刊印之功，以推廣於世。本社更得附以垂之久遠焉。非特是書之幸，亦本社之幸也。略述顛末以爲之記。

中華民國十二年八月

正社長 誠齋全
副社長 琴舫袁其銘氏

順氏記於北京

中醫學社

中醫學社庶務股主任越堂莊壽山氏

督修

中醫學社交際股主任翰臣劉文英氏

中醫學社調查股主任禹川周豐氏

著作股主任

任錫修如幹事瞿書源

文樓

評議股主任

王文翰卿幹事張英濤

瑞堂

研究股主任

張鶴書幹事姚貴榮

文卿

交際股主任

劉文翰英幹事梁福恩

壽泉

庶務股主任

莊壽越堂幹事王大濟

沈東

調查股主任

周禹川豐幹事何廷俊

士維

文牘股主任

瞿寶全子安幹事郭泮芹

蔭寶

印刷及總發行所地安門外迤東路北中醫藥社

板存太醫院署內

醫統正脈序

醫學之統其來遠矣自神農氏嘗百草一日而化七十
毒是有本草黃帝與岐伯天師更相問難上窮天文下
窮地理中拯民瘼而內經素問作焉其間推原運氣之
變遷闡明經絡之標本論病必歸其要用藥務協其宜
井然而有條粲然而不紊若天元紀大論六元正紀大
論五常政大論氣高變大論至真要大論數篇乃至精
至微之妙道誠萬世釋縛脫難全真導氣拯黎元於仁
壽濟羸劣於生全者之大典也軒岐以下代不乏人扁

鵠得其一二演而爲難經皇甫士安次而爲甲乙楊上
善纂而爲太素而全元起之解啟玄子之註俱彪炳璀
璨爲一時宗獨漢長沙太守張仲景揣本求源探微索
隱取大小奇偶之制定君臣佐使之宜而作醫方眞千
載不傳之秘漢唐以下學者豈不欲直探玄微而理本
深幽無徑可入如巢元方之作病源書孫思邈之作千
金方辭益繁而理愈昧方彌廣而法失真內經之書施
用者鮮矣及朱奉議宗長沙太守之論編南陽活人書
仲景訓陰陽爲表裏奉議解陰陽爲寒熱差之毫釐謬

以千里其活人也固多而其殺人也豈少哉幸守貞劉
子要旨論原病式二書旣作則內經之理昭如日月之
明直格書宣明論二書旣作則長沙之法約如樞機之
要如改桂皮麻黃各半湯爲雙解散變十棗湯爲三花
神佑丸眞有功於醫門者同時有張子和者出與麻知
幾講學而作儒門事親書其曰吐中有汗瀉中有補聖
人止有三法無第四法乃不易之確論於是人知有劉
張之派矣若東垣老人明素問之理宗仲景之法作濟
拔萃十書以傳於世切脈取權衡規矩用藥體升降浮

沉而王道霸道其說大明至丹溪朱氏傷寒內傷雜病無不精研痰火奧義尤其獨得宋太史濂謂其集醫家之大成誠哉是言也迨及我

朝修大觀本草製銅人俞穴針灸經以及

御賜醫方等書層見疊出

聖祖仁天下之心與軒岐一致是以明醫互興如陶節菴之傷寒六書發仲景之所未發薛已之外科補東垣之所未備戴元禮之證治要訣葛可久之十藥神書錢璣之小兒方論亦無忝於丹溪

昭代作人之功其盛矣乎不佞勉學聞見寡昧而於醫學獨加意焉竊謂醫有統有脈得其正脈而後可以接醫家之統醫之正脈始於神農黃帝而諸賢直溯正脈以紹其統於不衰猶之禪家仙派千萬世相續而不絕未可令其闕略不全使觀者無所考見也因詮次成編名曰醫統正脈而刻之

萬曆辛丑仲夏六月新安吳勉學書於師古齋中

蕪湖內經

光緒壬辰浙江書局據明
武陵顧氏影宋嘉祐本刻

補注黃帝內經素問序

臣聞安不忘危存不忘亡者往聖之先務求民之瘼恤民之隱者上主之深仁在昔黃帝之御極也以理身緒餘治天下坐於明堂之上臨觀八極考建五常以謂人之生也負陰而抱陽食味而被色外有寒暑之相盪內有喜怒之交侵天昏札瘥國家代有將欲斂時五福以敷錫厥庶民乃與歧伯上窮天紀下極地理遠取諸物近取諸身更相問難垂法以福萬世於是雷公之倫授業傳之而內經作矣歷代寶之未有失墜蒼周之興秦

和述六氣之論具明於左史厥後越人得其一二演而述難經西漢倉公傳其舊學東漢仲景誤其遺論晉皇甫謐刺而爲甲乙及隋楊上善纂而爲太素時則有全元起者始爲之訓解闕第七一通迄唐寶應中太僕王冰篤好之得先師所藏之卷大爲次註猶是三皇遺文爛然可觀惜乎唐令列之醫學付之執技之流而薦紳先生罕言之去聖已遠其術晦昧是以文注紛錯義理混淆殊不知三墳之餘帝王之高致聖賢之能事唐堯之授四時虞舜之齊七政神禹修六府以興帝功文王

推六子以敘卦氣伊尹調五味以致君箕子陳五行以
佐世其致一也柰何以至精至微之道傳之以至下至
淺之人其不廢絕爲已幸矣頃在嘉祐中仁宗念聖祖
之遺事將墜于地廼詔通知其學者俾之是正臣等承
乏典校伏念旬歲遂乃搜訪中外裒集眾本寢尋其義
正其訛舛十得其三四餘不能具竊謂未足以稱明詔
副聖意而又採漢唐書錄古醫經之存於世者得數十
家敘而考正焉貫穿錯綜磅礴會通或端本以尋支或
泝流而討源定其可知次以舊目正繆誤者六千餘字